

Kuruàŋ Ɔ Bempa Àdàru

1 ¹ Ka ɔtəpər Ɔkuru Ɔ bempa àdàru rəloloƙ bɛ rɛyi ƙoƙ àrà yi rokòm kati. ² Kuruàŋ Ɔ tha pɔnyɛ kà sàl àŋthɔf n to àŋ ba ƙɛyiɛ ɔwa ƙoko rətha, yiyiàŋ riàŋ. Àŋsum àŋ gbəp: àmborofoni ŋa àmànt. ³ Kà Ɔkuru Ɔ yamari, Ɔ pa, “Tà kàwal ƙɛyi.” Ɔwa kà kàwale ƙɛyi. ⁴ Kà Ɔkuru Ɔ nənƙ ƙəpa kàwal ƙəfiɔ. Kà Kuruàŋ Ɔ gbaski kàwale, ƙəwur ka àŋsum. ⁵ K Kuruàŋ Ɔ tela kàwale, àŋrey, ka Ɔ tela àŋsum ráfɔy. Kà ráf: rəthas, ɔwa kà rábəth rəder kà pəyi àŋrey átɔtɔkɔ.

⁶ Kà Ɔkuru Ɔ pa, “Tà àdek àŋ yi ƙətɔŋ ka àmànt.” ⁷ K Kuruàŋ Ɔ təpi àndek, ɔwa kà Ɔ gbaski àmànt, àme roratha, ka àndek ƙəwur ka àmànt, àme yi rokòm kati. Kà pəyɔnɛ mə mə Ɔ botəse. ⁸ Kà Ɔkuru Ɔ tela àndek àkuru ɔwa kà ráfɔy rɛyi rábəth rəthas, kà pəyi àŋrey àŋe bek mərəŋe.

⁹ Kà Ɔkuru Ɔ yamari, Ɔ pa, “Tà àmànt àme yi rorath ka àkuru mə thonƙlane der ɔkin, kama àŋgbàŋ àwosi à tɔrine.” Ɔwa kà pəyɔnɛ yi. ¹⁰ Kuruàŋ Ɔ tela àŋgbàŋ àwo àŋthɔf, àmànt thonƙlane der ɔkin, kà Ɔ tela ma ƙəba ƙəbana. Kà Kuruàŋ Ɔ nənƙ ƙəpa Ɔ fiɔ. ¹¹ Kà Kuruàŋ Ɔ p: “Tà àŋthɔf àŋ ba yet elɔkɔ eye ba mäter rɛyi eye ba mākɔm ka tàpekapeka tati.” Ɔwa kà pəyɔnɛ yi. ¹² Kà àŋthɔf a ba eyet elɔkɔ ya mäter məgbasƙəgbasƙə rɛyi eyint t mākomi ŋin ɔ ŋin ka ƙəpeta kati. Kà Kuruàŋ Ɔ nənƙ ƙəp Ɔ fiɔ. ¹³ Kà ráfɔy rɛyi rábəth rəthas, ɔwa kà pəyi àŋrey àŋ bekà məsas.

¹⁴ Kà Kuruàŋ Ɔ pa, “Tà emothà ɛ yi ka àkuru rokɔ ta kà gbaski àŋrey ƙəwur ka ráfɔy. Ɔwa emotha eye ƙàm ɛ yi elɔmarà ya ɔtəpər wa àŋrey rɛyi ɔwe ka ƙàrenàŋ, yi : málɔkɔ mə a yɔ àmet ma kà bàthoe. ¹⁵ Ɔwa tà eyi emoth

ka àkuru rækòm ta kàmothər ànthɔf.” Ɔwa kà pəyɔnɛ yi. ¹⁶ Kà Kuruàŋ ɔ bempa ɛmotha ɛbana yerəŋ, àŋmotha àŋe thà bondae, ɲi ɲà mə gbəkà ráyaŋ, ɔwa àŋ lɔl ɲi, ɲa mə gbəkà ráfɔy; ɔwa kà ɔ kál sɔ bempa átɔs. ¹⁷ Kà Kuruàŋ ɔ bot ɛmothà ɛye ka àkuru rokòm tə kəmothər ànthɔf. ¹⁸ Ɔ bot yi kanka ɛ gbəkà ráyaŋ reyɪ ráfɔy, ɔwa tə kəkál sɔ gbaski káwale, kəwur ka àŋsum. Kà Kuruàŋ ɔ nənɔ kəpa ɔ finɔ. ¹⁹ Kà ráfɔy reyɪ rábəth rəthas ɔwa kà pəyi àŋrey àŋe bekà manle.

20 Kà Kuruàŋ ɔ pa, “Tà àmànt mə la reyɪ yet ɛkəli ɛgbaskegbaske, ɔwa ta ɛbàmp aŋ fál ka aŋfena, aŋ gbəkinɛ ɲi.” ²¹ Ɔwa kà Kuruàŋ ɔ təpi ɛsem aninis ka àmànt rəkor reyɪ koko bɛ àrɛ yi rie ka tàpeka təŋaŋ. Ɔ kál sɔ təpi ɛbamp agbaske bɛ. Ka Kuruàŋ ɔ nənɔ kəpa ɔ finɔ. ²² Kà Kuruàŋ ɔ ruba ɲa ɔwa ɔ kál sɔ yamari ɲa, ɔ pa, “Kom nu kámà nə bərɛ kanka nə lasər àmànt ma tábàŋ, ɔwa tà ɛbàmp sɔ aŋ bərɛ ka ànthɔf.” ²³ Kà ráfɔy reyɪ rábəth rə thas ɔwa kà pəyi àŋrey àŋe bekà tamathe.

24 Kà Kuruàŋ ɔ yamari, ɔ pa, “Tà ànthɔf àŋ ba ɛsem agbaskegbaske, tàsem átɔl reyɪ aŋe ro kánth, tàsem abana reyɪ aŋlɔl, kà tàpeka təŋaŋ.” Ɔwa kà pəyi yi. ²⁵ Kà Kuruàŋ ɔ bempa tàsem átɔl reyɪ aŋe ro kánth, tàsem abana reyɪ aŋlɔl àŋ ɔ bempa ɲa bɛ ka tàpeka təŋaŋ. Kà Kuruàŋ ɔ nənɔ kəpa ɔ finɔ.

26 Kà Kuruàŋ ɔ pa, “Tà sə bempa aŋfəm akəpɛt ka aŋmɔl ásu, ɔwa kámà aŋ gbəkà ɛsem reyɪ ɛyɛt bɛ, sə po bempa ka ànthɔfɛ.” ²⁷ Kà Kuruàŋ ɔ təpi aŋfəm akəpɛt kà mábálàɛ mɔŋ. Ɔ təpi ɔruni reyɪ ɔberaŋ. ²⁸⁻²⁹ Kà Kuruàŋ ɔ ruba ɲa ɔwa kà ɔ kál sɔ yamari ɲa kə pae, “Kom nu kámà nə bərɛ kanka nə lasər ànthɔf, ɔwa kámà nə gbəkà ɲi; kámà nə kál gbəkà elop reyɪ koko bɛ mə kəth ka ànthɔfɛ. I po sɔŋ nu ɛyint yi ɛtɛpɛs bɛ məkom kà ànthɔf ɔwa kámà ɛyi ɛdi ta átànu.” ³⁰ Kà Ɔkuru ɔ pa, “Tàsem yi ɛbàmp sɔ i po ɲa sɔŋ àkɛrɛŋ reyɪ ɛbumá bɛ ta ádarədi rə ɲaŋ.” Ɔwa kà pəyi yi. ³¹ Kà Kuruàŋ ɔ nənɔ kəpa àrɛ bɛ ɔ po təpi rə finɔ ɔthasər. Kà ráfɔy reyɪ rábəth rə thas. Ɔwa kà pəyi àŋrey àŋe bekà támthrukine.

2 ¹Kà Ɔkuru Ɔ po təpi ádàru rəlolok bə reyí koko bə àrə yí rié. ²Kuruàŋ Ɔ poŋ mápáŋth ma kátəpi ka àŋrey bekà tàmthrukine, ɔwa kà Ɔ fòthane ka àŋrey bekà tàmthəderəŋe. ³Kà Ɔkuru Ɔ ruba àŋrey ŋati, kà Ɔ gbaski ŋi tə kəyi àrey ŋə kəbátho. ⁴Ɔwa tákur ta kátəpi ádàru rəlolok bə tià te.

Aŋkunk ŋa Ro Idən

Mà Yawə Ɔkuru Ɔ təpi ádàru rəloloke, ⁵etepəs eyiye, ɔwa koko rə tha laye loko ka àŋthofàŋ. Pəyi mo yeŋ, átesomae Ɔkuru Ɔ tha laye thorà kómàŋ tə kəboys àŋthof, ɔwa wuni Ɔ tha laye yiàŋ tə kəgbus àŋthofàŋ. ⁶Ámánt mə la gbo wur ka àŋthof ro ratha ta kà boys àŋthof. ⁷Kà Yawə Ɔkuru Ɔ woth káthof, ka Ɔ bempa wanduni kəwur ka káthof kati, kà Ɔkuru Ɔ fənd ɔwanduni ɔwe Ɔ bəmpae, àŋfef ŋa àŋseəm kà mākul ma àŋsoth ŋəŋ. Kà ɔwuni ɔwe Ɔ səke wanduni ba àŋesəm. ⁸Kà Yawəàŋ Ɔkuru Ɔ tər əkunk ka káthorəŋ ka ɔder a tela Idən, kà Ɔ bot ri ɔwuni kəpet Ɔ pə bəmpae. ⁹Rokor ka àŋkunk aŋei, Ɔkuru Ɔ yə yint efinc egbaskegbaske ɛ loko ri eye ba məkomi məbothi di. Ratəŋ ka àŋkunk ŋati, rə àŋənt ŋa àŋesəmo reyí àŋənt ŋa kátàrà táləs reyí táfinc ɛ təmə.

¹⁰Kəbàŋ kəla yiri ka àŋkunk aŋe. Kábàŋ kati kà məsəŋ mánt ka etepəs. Mà kábàŋ áke kəthasne ro Idene kà kəgbáyàne rə təbàŋ tanle təlóm. ¹¹Ka áte gbáyànee kà tətoko kà yi Pishəŋ, ki kəgbəkinə ka àŋthof mə átela Habila. ¹²Nə rə məboŋə mətənk məfinc məyi. Ɔwa sə rə aŋsənth áfəlfəl reyí məsar məkeŋ məyi. ¹³Kábàŋ kəlóm kà yi Kihən. Ki kà gbəkinə ka àŋthof mə a tela Kush. ¹⁴Kábàŋ kəlóm kəyi Taykris, áke mə gbəngbəli ka káthorəŋ ka àŋthof mə a tela Asiriya. Kábàŋ kələpsə kəyi Yufretis.

¹⁵Kà Yawə Ɔkuru Ɔ bot ɔwanduni Ɔ po bempa ka àŋkunk aŋe kanka Ɔ wasər ŋi, Ɔ kál sə bumər ŋi. ¹⁶Kà Ɔkuru Ɔ káne ɔwanduni ɔwe kəpa, “Mākomi ma eyint eye bə məyi darədi ta átamu, ¹⁷kere te di mākomi ma àŋənt ŋa kátàrà táfinc reyí táləs. Aŋloko mə ŋ di mākomi ma àŋənt ŋati aŋee, ŋ tə fi ka àŋrey ŋati.”

¹⁸Kà Yawə Ɔkuru Ɔ pa, ka àŋmerà ŋəŋ, “Pə marye

owanduni owe tə kəyi kən son. I ti bəmpanə kə ukos owe mə marānə kəe.” ¹⁹ Ɔwa Ká Ɔkuru Ɔ gbasi kəthəf kələl ka aŋthəf. Ká Ɔ bəmpanə esəm be reyɪ ebəmp be kəwur ka kəthəf Ɔ wəthe. Ká Ɔkuru Ɔ kārā esəm aŋe be ka owanduni owe kāmā Ɔ bāk ŋa əmes. Ɔwa yā ŋaŋ be aŋ sothə əmes mənŋaŋ yəŋ. ²⁰ Ɔwuni kənə sən esəm be mes. Kere ukin Ɔ yie ka esəm aŋe, owe məyi ukos ubeki tə kəmarānə kə. ²¹ Ɔwa ká Yawə Ɔkuru Ɔ yə kāmā owanduni Ɔ dirā ɔbələnŋ. Mā Ɔ yi ka kādírā, ká Ɔkuru Ɔ wurā kəsək kin ka tāsək təmerə ta ɔwuni owe. Ká Ɔkuru Ɔ gbəpər ɔder ro Ɔ wurā kəsək kin kati reyɪ əderənŋ. ²² Ká Yawə Ɔkuru Ɔ bəmpanə wunibom reyɪ kəsək əke Ɔ wurā ka owanduni Ɔ mōtha bəmpae. Ká Ɔkuru Ɔ kārā ɔbera owe ka owanduni. ²³ Ká owanduni owe Ɔ pa ka ɔbera owe, “Kələpsə thənŋ be i sothə owe sə bəlānəe, kəbānth kəwur ka tábānth tāmɪ, reyɪ əder kəwur ka aŋder əmɪ. I ti tela kə wunibom salata kəyi Ɔkuru Ɔ bəmpanə kə kəwur ka owanduni.” ²⁴ Salata ətei, tā owanduni mā Ɔ tey ɔkas kənŋ reyɪ ɔya kənŋ Ɔ gbəthəne ɔrani kənŋ, ɔwa ŋa ŋarənŋaŋ aŋ səke əder ŋin. ²⁵ Owanduni reyɪ ɔwunibom aŋ la yi atinŋ, kere aŋ lapyə ti.

Aŋpensə ŋa Ɔwuni Kəpet

3 ¹ Ka esəm be Yawə Ɔkuru Ɔ bəmpae, əmbok kənə tha ba məsoth be. Əmbok Ɔ yif ɔbera kəpa, “Ɔkuru Ɔ kane nu tentəne kāmā nə te di mākomi ma eyint ya nə kunki.”

² Ka ɔbera Ɔ gbakiə kə kəpae, “Ɔ sən su māmari ma kadi mākomi ma eyint be. ³ Kere thas gbo mākomi ma aŋənt aŋe yi ratənŋ ka aŋkunk, mā sə teyi tə kədi. Ɔkuru Ɔ kane su kāmā sə te ma di. Ɔ pa kāmā sə te rās gbəne aŋənt ŋati. Ɔ pa bepi sə yə yie sə tə fi.”

⁴ Ká əmbok Ɔ gbaki kəpae, “Tətenŋ tha hə nə bayə kəfi. ⁵ Ɔkuru Ɔ tārā ti kəpa aŋləkə mā nə di mākomi ma aŋənt ŋatie, nə təyi mə Kuruənŋ ka tārā tāfinə reyɪ tələsənŋ.”

⁶ Ká ɔbera Ɔ nənk to aŋənt aŋe əmbəthkəli, ɔwa to mākomi mati mə kəl both die. Ɔwa ɔbera Ɔ kəl nənk kəpa, pə təyi ti əpa əfinə ɔthasər tə kəba kətemp. Ɔwā ká Ɔ pim aŋkomi ŋa aŋənt aŋe ɔwa ká Ɔ di ŋi. Ká Ɔ kəl kəkəne yer

ɔwos kəŋ, ɔwa ɔwos kəŋ sɔ ká ɔ di. ⁷Má aŋ po di mákomi ma áŋənt áŋe, Ɔkuru ɔ la mán ŋa kámá aŋ te die ka aŋsɔthɔ kəsɔthnɛ. Ɔwa ká aŋ tára kəyi ŋa tiŋ. Ka aŋ sɔth ɛbɔpər tə kəgbəpər eyethɛ yaŋ.

8 Má áret rəpo thɔfláe, ɔwanduni yi ɔrani kəŋáŋ aŋ təlá Yawɛ Ɔkuru má mə ɔ kɔth ro kunk ɔwa ká aŋ mánkne ka eyint. ⁹Ká Yawɛ Ɔkuru ɔ tela ɔruni, ká ɔ yif kɔ kəpa, “Rəke ŋ yie?”

10 Ká ɔruni ɔ gbaki kəpa, “I təlá mu nɔ kunk kere i nesá tá má i yi min tiŋe, ɔwa tá i mánkne.”

11 Ká Ɔkuru ɔ yif kɔ kəpa, “Káne tɔri mu kəpa na atiŋe? Nə po di áŋkomi i la kane nu kámá nə te dii?”

12 Ká ɔruni ɔ kane Ɔkuru kəpa, “Ɔbera ŋ taká mi tə kəyi reyi mineŋ, kɔnɔ sɔŋ mi áŋkomi ŋati ɔwa ká i di ŋi.”

13 Ká Yawɛ Ɔkuru ɔ yif ɔbera, “Kɔŋ gbeŋ ŋ yɔ átaɔ átae?” Ká ɔbera ɔ pa, “Ambok kɔnɔ tɔns mi ká i di ŋi.”

Ɔkuru Ɔ Thálər Ɔ Ɔwunibom Reyɪ Ɔwanduni

14 Ká Yawɛ Ɔkuru ɔ kane ámbok, “I ti thálər mu ta áte ŋ po yɔ áte. Mun son ka tásem be, munɔ mə sɔthɔ áŋthálər áŋe. Kətəp thɔŋ ka áke ŋ tə line ka ákor kámu. Ɔwa káthɔf ká ŋ ba kədi haŋ thánkáŋ áŋesəm ámu áŋ poŋ. ¹⁵I ti b rəfadeŋ kətəŋ kámu reyi ɔbera ŋ re tɔŋse. Áŋwuth ŋŋ : tə gbəmər rábomp rámu, ɔwa munɔŋ ŋ təgbám tábəth tɔŋaŋ.”

16 Ká Yawɛ Ɔkuru ɔ kane ɔbera kəpa, “I ti bárá r áŋsɔmpane má mə ŋ yi mun kore, ɔwa ŋ tə kál təlne ɔb ka kákom. Halisa má mə ŋ po təlne məyeŋe ŋ tə kál gbo məfela məbana ta ɔwos mu. Ɔwa ŋ təyi roratha kəŋ.”

17 Ká Ɔkuru Ɔ kanɛ ɔwanduni kəpa, “Təsalata mə gbasi tɔpa ta ɔrani kámu ɲ di ɲkomi ɲɛ i yamari mu kár ɲ te die, i ti ranka ti ɲthɔf. Ʋ tə worək ɲthɔf haɲ thɲk ɲɛsəm ámu aɲ poɲ. Yenka ɲ gbəli wurá mu rəka rə rəbeki. ¹⁸ Kereɲ reyi təbánk tá ba kələkə ka ɲthɔf. Ɔwa tə di yet ya ro kánth. ¹⁹ Ʋ tə worək ɲthɔf haɲ ɲ ranɛ, kəyɔ rəka rə ləkə ri. Mápánth áme má ɲ ba kəyɔ haɲ thák ɲ kál ka ɲthɔf. Rá kəthɔf rá i wurá mu, ɔwa rə kəthɔf rá ba kəkál kə ləpsɔ.”

20 Ɔruni ká Ɔ tela ɔrani kəɲ If, átesomae kəno yi ɔká ka aɲfəm akəpet bɛ. ²¹ Ká Yawɛ Ɔkuru Ɔ gbasi ereka esem ká ɔbɛmpanɛ ɲa suma.

Ɔkuru Ɔ Bál Adámáɲ Yi Ifáɲ Kəwur Ro Kunk

22 Ká Yawɛ Ɔkuru Ɔ pa, “Ɔwa kakei, ɔwuni kəpet Ɔ səke mo siáɲ ka kátára táləs reyi táfínɔ. Tiáɲ tá sə te selɔ kámá Ɔ di sɔ məkomi ma ɲɲənt ɲa ɲɛsəm, kámá Ɔ te ɲɛsəm áthánkaɲ thəbana.” ²³ Ká Yawɛ Ɔkuru Ɔ bál ɔwi kəpet ka ɲkunk ká Ɔ yɔ kɔ Ɔ worək ɲthɔf, ɲɛ Ɔkuru wəth ta kábempa kɛ. ²⁴ Má Ɔkuru Ɔ po bál ɔwuni kəpet ɲkunk ká Ɔ təmər ri abumər aɲɛ mə a tela Tərubim. təmər ɲa ka ɲgbáp áthəɔɔɲ ɲa ro Iden (ro ɲkunk aɲ y ká Ɔkuru Ɔ kál bot ri ɲgbathɔ ɲɛ ba mərəe, ɔwa ɲ láft láfthe ka ekəɲ bɛ, tə kəbum ɲɲənt ɲa ɲɛsəm ro kunk.

Published by
The Bible Society in Sierra Leone
P.O. Box 1169
FREETOWN, Sierra Leone

© The Bible Society in Sierra Leone, 1993
Illustrations by Horace Knowles
© The British and Foreign Bible Society,
London, England, 1954, 1967, 1972.

ISBN 9966-40-451-1
THEMNE GENESIS 560P UBS-EPF 2M 1994